



# Synfocity = 848

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

July 7, 2022

## ❑ **Bookroom Reduction Sale 2022**

Synod Bookroom chuan July 4, 2022 (Thawhtanni) atang khan kar hnih chung awh tur Reduction Sale chu Mizoram puma Synod Bookroom Branch leh Distribution Centre zawng zawng leh Churachanpur-a Synod Bookroom-ah te a tan leh ta.

Kum hnih zet Synod Bookroom chuan Covid 19 hripui vanga Reduction Sale a kalpui theih loh hnuin kumin hian Reduction Sale hi a kalpui leh ta a, tum dang ang lo takin chawlhkar hnih chung kalpui tura ruahman niin July 16, 2022 (Inrinni) thleng a awh dawn a ni. Reduction Sale-ah hian Synod Bookroom-a lehkhabu zawng zawng, Bible, Kristian Hlabu, Sakramen hmanrua, Kohhran mamawh chi hrang hrang, Stationery Item zawng zawng leh School Naupang mamawhte 5% - 80% discount-in hralh chhuah a ni a. A tan tirh ni atangin mipuiin an hlut hle.

Synod Bookroom Headquarters, Mission Veng-ah chuan Synod Moderator, Rev. Dr. Vanlalngbaka Ralte-in Reduction Sale hi Pathian hnena hlanin Kohhran mipuiten tangkai taka an hman theih nan a hawng a, hemi rual hian Synod Bookroom Branch hrang hrang leh Distribution Centre hrang hrangah te hawna hunserh hman a ni bawk.

Synod Bookroom Reduction Sale hi mipuiin lehkhabu tha leina hun remchangah hmangin an hlut hle thin a. Sorkar Office leh Kohhran leh Mimal Library neite pawhin a hlawma lehkhabu leina hunah an lo hmang tawh thin a. Hetiang huna lehkhabu an hralh chhuah thin hi a buatsaihtu, Synod Bookroom lama hotute beisei leh rin ai pawhin a tam thin nia thu dawn a ni.

Reduction Sale neih hnuhnun ber 2019 kum khan kar khat chhunga lei chhuah kha Rs. 1,10,48,132/- lai a tling a. Kumin hian kum hmasa lama sale zatte hi khum ngei an inbeisei thu Synod Bookroom lama hotute chuan an sawi.

Tun tum Reduction Sale hi Synod Bookroom Branch 15 leh Distribution Centre 44 ah kalpui mek a ni a. Lehkhabu item 6800 chuangah discount hi kalpui mek a ni.

## ❑ **Synod Mission Board leh ram pawn chet velna**

### ◆ **Tripura Mission Field**

July 3, 2022 (Pathianni) khan ringthar 20 Lal Isua zui turin an inpe a, Preaching Station pakhat hawn thar a ni bawk.

### ◆ **Jharkhand Mission Field**

July 3, 2022 (Pathianni) khan ringthar 3 Lal Isua zui turin an inpe.

### ◆ **Assam Mission Field**

July 2, 2022 (Inrinni) khan ringthar 4 Lal Isua zui turin an inpe.

### ◆ **Arunachal & Assam Mission Field (West)**

July 3, 2022 (Pathianni) khan ringthar 1 Lal Isua zui turin a inpe a, Dirang Kohhran, Bomdila Bial-ah T.Upa pakhat thlantlin niin hemi rual hian Baptist Kohhran atangin mi 1 kan Kohhranah a inpe bawk.

### ◆ **Zin**

July 5 - 7, 2022 chung hian Marpara-a Mission School ram enfein Mission Board Secretary Rev. R. Lalhminganga leh BEC member te - Rev. C. Chawngliana leh Upa Lalramliana te an kal.

## ❑ **Kohhran Hmeichhia**

July 9 & 10, 2022 hian Khawbung Vengpui Bial-ah Leadership Training leh Kristian Chhungkaw Campaign nei turin Central Kohhran Hmeichhe Hruaitute Pi Lalhmingliani, Finance Secretary leh Committee member te - Pi C. Thanpari, Pi Lalengzami leh Pi Laldingliani te an kal ang.

## ❑ **Synod Trust**

July 10, 2022 (Pathianni) hian Chaltlang South Kohhranah Social Front Programme-in Moral Reforms leh HIV/AIDS Awareness Campaign nei turin campaigner te - Upa Dr. Lalrintluanga leh Dr. R.L Sanghluna te an kal ang.

❑ **KTP**

July 5, 2022 (Thawhlehi) zan khan Synod Conference Centre-ah Synod Moderator Rev. Dr. Vanlalngbaka Ralte chuan kum 2022-2024 chhunga Synod Choir member tharte Pathian hnenah a hlan. Synod Choir member tharte Pathian hnena hlanna inkhawm hi Rev. Dr. F. Pachhunga, Central KTP Leader-in a kaihuai a, Upa Rochungnunga, Central KTP General Secretary chuan Synod Choir member tharte inhmelhriattirna hun hmangin hriat tur ÷ul a puang bawk. Rev. Dr. Vanlalngbaka Ralte, Synod Moderator-in Pathian hnena a hlan hnuah, Rev. ZD Lalhmachhuana, Synod Secretary chuan fuihna thuchah a sawi.

Kum 2022 - 2024 chhunga Mizoram Synod Choir Member tur te:

CONDUCTOR : Benjamin Pazawna, Chanmari Bial

SOPRANO -

S.N.	HMING	BIAL	BRANCH
1	Lalsiamliani	Mission Vengthlang Bial	Jubili Br.
2	PC. Zothankimi	Dawrpui Vengthar Bial	Dawrpui Vengthar Br.
3	C. Laldingpuii	Bethlehem Bial	Bethlehem Br.
4	Lalremtluangi Ralte	Zemabawk Bial	Zemabawk Br.
5	Lalmangaihzuali	Luangmual Bial	Luangmual Br.
6	Wendy Zaithanpuii	Dawrpui Bial	Zarkawt Br.

CONTRALTO -

S.N.	HMING	BIAL	BRANCH
1	C. Lalzawmliani	Chawnpui Bial	Chawnpui Br.
2	Christina Lalhmingmawii	Bungkawn Bial	Bungkawn Br.
3	Zodinpuui Ralte	Electric Veng Bial	Electric Veng Br.
4	F. Lalrammuani	Republic Veng Bial	Republic Veng Br.
5	R. Vanlalhmingmawii	Kulikawn Bial	Kulikawn Vengthlang Br.
6	R. Lalchhandami	Ramthar Bial	Ramthar Veng Br.

TENOR -

S.N.	HMING	BIAL	BRANCH
1	R. Vanlalruata	Chaltlang Bial	Chaltlang Br.
2	C. Lalrinhlua	Leitan Bial	Leitan South Br.
3	Benjamin Thanglianmawia	Mission Veng Bial	Mission Veng Br.
4	Lallawmsanga	Hunthar Bial	Hunthar Br.
5	Joseph Ramdinmawia	ITI Veng Bial	ITI Veng Br.
6	Lalrinliana	Maubawk Bial	Lawipui Veng Br.

BASS -

S.N.	HMING	BIAL	BRANCH
1	Lalruatsanga	Nursery Bial	Khatla South Vengthar Br.
2	Lalrinnunga	Tuikual Bial	Tuikual Br.
3	K. Lalremmawia	Durtlang Bial	Durtlang Br.
4	Wilfred Lalrintluanga	Venghnuai Bial	Venghnuai Br.
5	Lalrintluanga Zadeng	Ramhlun North Bial	Ramhlun Venglai Br.
6	Lalnunchama	Ramhlun Bial	Ramhlun Vengchung Br.

❑ **Synod Trust**

July 6, 2022 (Nilaini) khan Baktawng Pastor Quarters sak leh retaining wall enpuuin Upa Thangliankhuma, AE leh Pu Lahhriatrenga, JE te an kal.

❑ **Finance**

July 9 & 10, 2022 hian Hnahthial Bialah Finance Campaign nei turin campaigner te - Rev. R. Lalengzauva, Rev. B. Sangthanga leh Upa P.C Vanlalrova te an kal ang.

❑ **MSSU**

♦ July 8 - 10, 2022 chhung hian Chawngtlai Bial-ah Sunday School zirtirtu training neihpui turin MSSU Trainer te Upa K. Vanlalngbaka leh Upa S. Kapzathanga te an kal ang.

♦ July 9, 2022 (Inrinni) hian Chawlhmun Bial-ah Naupang Sunday School zirtirtu training neihpui turin Pu H.K Hmingthanzuala, Asst. Coordinator leh MSSU Trainer te T.Upa Lalthanchhunga leh Upa Hrilthansanga te an kal ang a, zan inkhawmah Fanau enkawl chungchang thuchah Upa Hrilthansanga'n a sawi ang.

❑ **SL&PB**

July 9 & 10, 2022 hian Kolasib-ah Literature Seminar nei turin Rev. Lalbiaknia, Editor; Pu Zohminglana Colney, Jt. Editor leh BEC member te - Rev. C. Sangliana leh Upa Vanhnuaitanga te an kal.

❑ **Sunna - Pu P.C Lalhmachhuana, Kum 56, Missionary**

Pu PC Lalhmachhuana hi Pu Saitluanga (L) leh Pi Darchhingi (L) te fa 13-na ni turin September 21, 1966 khan South Sabual khuaah piang a, unau 13 niin a naupang ber a ni. Kum 1995 August 12 khan Pi T.C Lalhmingthangi nen innein fa 4, hmeichhia 3 leh mipa 1 an nei.

Zirna lamah Primary School leh Middle School hi S. Sabual-ah kalin High School hi Darlung High School-ah a kal thung a ni. High School a kal lai hian Kohhranin Harhna a chan chhoh nasat lai leh amah pawh harhnain a man nasat avangin zirna lam a chhonzawm hleithe lo va. Kum 1986 khan Sateek High School-ah pawl 10 a zawm leh a, amaherawhchu a mit lam that loh avangin lehkhah chhiar a harsat chho va, zirna pawh a chawhsan zui ta a ni. Infiamna lamah pawh Trophy engemaw zat alo la tawh baw.

Kum 1987 tawp lamah Mission for Christ-in Vanapa Hall-a convention an neihah Missionary turin a inpe a, Bangladesh lama kal tura tirh a ni a, amaherawhchu remchan lohna avangin a kal ta lo va, Kum 1989 ah Pathian pawl tharna changin rawngbawlna lamah kawng zawh duhna a nei a, Team te zuiin a thiante nen an chhuak thin a ni.

Thlarau Bo Zawngtute (TBZ) mission rawihin Maharashtra leh Madhya Pradesh-ah te leh Non-Mizo Evangelist-in Thenzawl Bial-ah te alo awm tawh thin a ni. Kum 2001 April-ah Synod Mission Board hnuaiah lutin Tuipuibari II-a Rohmingthangi Memorial English School-ah kum 2001-2004 chung a awm a, Kum 2005-ah Missionary Training College(MTC), Mission Vengthlang-ah training-in a awm a, kum 2006 - 2018 chung Arunachal East Field huam chung a Lakla Jeruel English Medium School-ah Missionary Teacher-in a awm leh a, kum 2019 atanga a thihni thlengin Arunachal East Field huam chung Miao-ah awm lehin Kohhran Secretary leh Bial Treasurer a ni mek a ni.

May ni 23, 2022 khan a hmaiah baw lian lo te entirin Civil Hospital, Aizawl-ah a kal a, biopsy te lain result pawh a tha a, a inzaina te dressing a ngaih avang leh in check-up leh angaih avangin engemaw chen a cham chhonzawm a, chumi chung chuan Biak In sak tur te hmu chakin leh chungkhat laina te tlawh kual pahin S. Sabual-ah a haw thla a. June 27, 2022 khan a hnathawhna hmun Miao a thleng leh a ni. July 1, 2022 dar 12-ah a hnungzang na tiin thawk harsa deuh a ti a, a tuk zing chaw ei tura a tho chhuak chu nuam lo tiin a insawisel deuh a, a chaw ei lai pawh ei zo lovin a inthiar a, nuam lo zual zelin a thlanin a bual huh vek a, Pastor leh Field Secretary te phone-in Damdawi In kal tha an ti a, kal kawngah pawh amah ala inbuaipui vekin tha takin a la titi peih a, damdawi in thlen hmian Pharsing Pharmacy-ah sugar test-in a sugar pawh a tha a, dehydrate te anih takin tiin ORS te pek a ni a, ORS tlem a in hnu hian a chau zual thut a, hriat theih mang lovin a tawng chhuak a, chhuatah mut zal tir niin hemi hnu lawk hian he khawvela inhmuh leh tawh lo turin a rawng a bawl sak Lalpa hnenah July 2 chawhma dar 11:40 khan min lo kalsan ta a ni.

Pu PC Lalhmachhuana ruang hi July 4, 2022 chawhma dar 9:30 vel khan Synod Office thlenpui a ni a, Synod Office tualzawlah thlahna hun hman a ni a, hemi ni vek hian an lawina Kohhran, S. Sabual-ah Rev. R. Lalhmingsanga, Synod Mission Board Secretary-in a vui a ni.

❑ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Damparengpui Kohhran	Retaining wall siamna atan		Rs. 20,000/-
2.	Chhiahtlang Hmarveng	Harsa	2	Rs. 16,000/-
3.	Lungrang South	Damlo	1	Rs. 8,000/-
<b>BELHKHAWM</b>				<b>Rs. 44,000/-</b>

- ❑ **JULY 8, 2022 (Zirtawpni) (FM Zoawi - Aizawl & Lunglei @ 7:30 p.m.):**  
**Solo :** Lalhmingchhuangi - Min hnehsak thin, **Zaipawl :** ITI Kohhran Zaipawl - Kraws lera au thawm, **Thusawi :** Rev. Lalrinmawia - Anchhedawng thihna kraws, **Solo :** Esther Lalmuanpuii - Khawthianglim Jerusalem, **Zaipawl :** Mizoram Synod Choir - Kraws hlun tak.
- ❑ **Susamachar Prasaran Programme :**  
**JULY 10, 2022 (Pathianni) 5:00 pm. :**  
**Group/Choir/Solo :** Electric Bial Masihi Sangati Zaipawl, **Group/Choir/Solo :** Chawnpui Kohhran - Saron Ka Gulab, **Sermon :** Rev. Laltharzuala - Sansar se Prem na karo, **Group/Choir/Solo :** Dawrpui Bial Masihi Sangati - Jaya, **Group/Choir/Solo :** Chhinga Veng Bial Masihi Sangati Zaipawl - Tere Pass
- ❑ **Moderator leh Executive Secretary-te Programme:**  
**Rev. Dr. Vanlalghaka Ralte : Moderator**  
 July 6 & 7, 2022                      Bairabi-ah Kohhran tlawh leh Bairabi Pastor Quarters Hlan - Bairabi  
 July 10, 2022                              Chawhma - Muallungthu Kohhran  
     Chawhnu - Falkawn Kohhran  
     Zan - New Capital Complex Kohhran  
 July 14, 2022                              Synod Finance Managing Committee leh Central KTP Leaders Retreat  
 July 15, 2022                              MPF Executive Committee  
 July 16, 2022                              Serchhip FG&CC Building Hawn
- Rev. C. Zorammawia : Senior Executive Secretary**  
 Zin programme nei lovin Office-ah a awm ang.
- Rev. V.L. Luaia Hranleh : Executive Secretary**  
 July 11 & 13, 2022                      PCI Finance Committee, Shillong  
 July 14, 2022                              Synod Finance Managing Committee  
 July 15 - 17, 2022                      Rawngbawltu Retreat, Darlawn
- Rev. Dr. K. Lallawmzuala : Executive Secretary**  
 June 28 - July 1, 2022                      UCPI meeting, Bangalore  
 July 1 & 2, 2022                              Jharkhand Mission Field - Retreat  
 July 3 - 7, 2022                              PCI Programme

**ADVERTISEMENT**

Synod Multipurpose Training Centre (SMTC) chuan Vocational training trade hrang hrangah training a kalpui m êk reng a. A hnuai trade târlanteah hian kumin 2022 August thla ațangin Session nhinna a țan leh dâwn a. Chuta zir duh tûrte tân dîlna hun hawn a ni ta a. Hemi chungchânga hriattîrna hi Kohhran tinah puanzâr tûra thawnchhuah a ni a, Official lehkha hmu lo emaw, hre lo tân pawh local TV leh Internet hmanga media hrang hranga tihchhuah te hi official-a ngaih bawk tûr a ni ang.

<i>S/N</i>	<i>Training tûr Trade</i>	<i>Course rei zâwng</i>	<i>Seat awm zât</i>
1.	Diploma in Computer Application (DCA)	Thla 6	20
2.	Beauty Culture	Thla 6	6
3.	Mobile repairing	Thla 6	6

**Hriattur pawimawhte:**

1. Dîlna hi plain paper-a thehluh tûr a ni a, Ni 15 July, 2022 aia tlai lovah SMTC Office-ah thehluh tûr a ni.
2. Dilnaah hian Kohhran lehkha thil tel ngei tûr a ni.
3. Interview hun: Nî 20 July, 2022 (Nilaini) - 10:30 am
4. Interview-na hmun: SMTC, Mission Vengthlang
5. Mamawh zual bîkte tân Hostel a awm ang.

**Sd/-, Rev. V.L. Luaia Hranleh**  
 Executive Secretary i/c SMTC  
 Synod Office; Aizawl